


1230.

1096.

*Kniha Santi Ioannis: Aquilae vetiori Joh. uaccae.*







A Q V I L Æ

VERIORI JOVI

S A C R Æ

è

Nascentis Poloniæ & virtutum Nido  
Cælum altiùs.

J N V O L A T V R Æ

Ad communem Orbis solem.

A P P R O B A T Æ.

Clientali calamo, immortalis devinctis-  
simi pectoris argumento.

Sub tempus Generalis Capituli, in Peraugusto tot Ma-  
gnorum Nominum confessu.

à

M. PAVLO IOANNE KVVK,  
AA. LL. & Phil: Doctore in Alma Vniuersitate Craco-  
uiensi Professore ad Academicam in Gnesnensi Gymnasio  
Studiorum restorationem.

D E M O N S T R A T Æ.

Anno Aquilæ Magnarum alarum Dei in Carne Homi-  
nis nati 1696.

—SSS— —SSS— —SSS— —SSS— —SSS— —SSS— —SSS— —SSS— —SSS—

Typis Academiae Posnaniensis.

ttt.



In Stemma  
ILLVSTRISSIMI REVERENDISSIMI ac PER-  
AUGUSTI ARCHICAPITVLI GNESNENSIS.



*Ver sibi perpetuum dant trino LILIA flores,  
Hinc vernans pleno gloria Vestra sinu:  
Floribus hic splendet niveis argenteus Ordo,  
Pulcher ut in sacro Stemmata Candor oves.  
Ordinis hinc primâ contenditis ire senectâ  
Cardinalitio murice dignus Apex.*





33.549. III.

ILLVSTRISSIMIS PERILLVSTRIBVS



REVERENDISSIMIS DOMINIS

DD. PRÆLATIS



CANONICIS

Totiq; Peraugusto

CAPITVLO

Metropolitanae Ecclesiae Gnesnenis.

Dominis & Benefactoribus munificentissimis.

Sacras. Veriori Jovi Aquilas, non degenerem Regiae Aliti propaginem, sole publico semper clariorem, insignem omnis eruditæ gloriæ celsitudinem æquam sincerissimi Iudici lancem in sacro hoc rarissimarum virtutum Nido deprehensam, favorabili Vestro sisto conspectui ILLVSTRISSIMI PERILLVSTRES & REVERENDISSIMI DOMINI. Quem admodum enim ipsa sibi vires pulcherrima merces, nec fascibus ullis erigitur divitijs animosa suis; ita Virtutum Vestrarum eminentiæ, ex Vobis ipsis illustre encomium dare non nisi Vos sufficitis. Non vulgari bus equidem Oratorum pennis ad sidera usq; cum tantis efferendi Nominibus, nisi profecto illis, quibus Regina volucrum, par excelsis Capitibus, ad Eminentioris gloriæ & honoris Apicem, surroga fastigium. Quæcunq; pro communi bono in animis, voluitis, Asylum humanæ necessita-






cessitatis expressæ multorum Indulgentiæ tutissimum exhibetis receptacu-  
lum. Ita omninò ad excessum usq; animorum, in purpureo Protomar-  
tyris Vestri Nidificatis ROSETO, ut vernare omnia, ac in omnem glo-  
riæ exuberare florem, Vobis cooperantibus conspiciantur. Splendent  
pretiosissimis Altaria donis, Aræ decoribus plenæ fulgurant, quibus ga-  
men Vestrorum Anathemata Nominum, decus omne absorbent, variega-  
tos tot virtutum accumulando splendores, ut Cælices nonnisi in sole Ve-  
stro videantur sibi posuisse tabernaculum. Atq; in hac ego lucis Ve-  
stræ Majestate, impar omninò Elogiastes, cæcutire videor magnitudine  
tot luminum obructus, pupilla ipsa oculi in pertinaciori aulu ad solis  
Vestri intuitum plus lacrymarum, quàm penna sepiæ profunderes; u-  
nius enim paginæ non sufficiunt angustię veluti Alexandro Macedo-  
nia, quæ tanta caperet Nomina, aliud Regnum maioribus immortalitatis  
fastis Cothurnatoq; dicendi genere inventura. Clienti Vestro & vo-  
luisse sat est tanta venerari Nomina, exigua hac pagellâ, ubi non verba,  
sed scribentis pensanda obsequentissimi animi promptitudo. Dabitur er-  
go veniam tenui calamo, quod non pro Majestate tantorum Nomi-  
num niti liceat; foret enim hoc conari tenues grandia, cum iusti quoq;  
obstet metûs ratio, ne plus umbrarum quàm lucis, ab impari Suada splen-  
dori Vestro accedat. Totiûs umbratilem Clientalis facundia spartham,  
Illustri gratiarum Vestrarum fovete sinu, hoc quaecunq; opusculum,  
serenâ recreate fronte, quod supplex Vestrisq; Nominibus devotissimus  
exposco.

Illustriſſimarum Perilluſtrium & Reverendiſſi-  
marum Dominationum Veſtrarum,

Omni Studiorum & obsequiorum genere obligatiſſimus

M. PAVLVS IOANNES, KVK, AA. LL. &  
Phil. D. P. N. A.





**N**iniquâ temporû vicissitudine, (quæ tamen me-  
lior superos jubet sperare secûdos) an infaustâ  
rerum jactura interrupta hucusq; Encæniam, illu-  
stri, Magnorum Nominû invitata reverentiâ, prono studi-  
orum devincta obsequio, non tam trino propè annorum se-  
culo, quàm celfo meritorum grauis acervo, Coronata La-  
tij Princeps, Academica Pallas, è Cracijs Serenissimorum  
Regum Cunis, aureæ Coronæ stipata floribus, ad nascenti-  
tis Poloniæ cunabula, lunato etiam appropinquans poplite,  
solennius hodie celebraret; nisi splendida sacrarum veriori  
Numini Aquilarum festivitas, omnium ora, atq; animos,  
in se studiosius intentos, in venerabundum sui propensius  
raperet intuitum. AA. Et quis non floralia festa coleret,  
ubi dulci Pieridum choro, Apollinis Cythara, sacris Diva  
Themis iterum reddita Aris, priscaq; revisit ædes, è qui-  
bus thura Dijs, & superûm crevit Amor, Patriæ gloriâ  
columenq; Nostræ, Ecclesiæ decus Orthodoxæ, Principibus  
honor, Authoritas Senatui, in lectissima Magnatum sobo-  
le, charissimâ Nobilissimarum stirpium progenie, erudito  
literarum enutrita pabulo, Reipublicæ accessit ornamen-  
tum: Nimirum è Latio Gnesnam Academia migrat Athe-  
nis, ut tandem propius Orbis discat, quò finè beatum  
dirigitur, quæ norma boni, quis limes honesti, quænam  
membra sui, virtus divisa domandis, obiectet vitij, quæ  
pars iniusta recidat. Quod si dies illa, quæ Genitoribus Sa-  
turnum, aurea Orbi, nunc vel maximè peroptanda tulit  
secula, Persis, quâ Xerxes accessit Imperio, Syracusanis, quæ  
Timoleonem, Atheniensibus, quæ Socratem, Romanis, quâ  
Vrbis iacta sunt fundamenta, Iuliæ Cæsari, Idus Iuliæ,



*Calendæ Ianuariæ Tito, Decembres Nervæ, Novembres  
Adriano, Apriles Antonino, Februariæ Constantino reli-  
giôsè observabantur, quantò magis annus hic, perennibus  
inferendus Annalibus, solis hodierni Aurora, ceu aurea  
Musis hora, Metropolitanæ Urbis est, imprimendus memo-  
riæ, quo togatam literarum magnificentiam, Sapientiæ  
thronus, quo suos Cathedra nanciscitur Magistros. Au-  
rea fortunæ reduci, si templa Priores, ob reditum vo-  
vere ducum, non digniùs unquam, hæc Dea pro meri-  
tis amplas sibi posceret ædes, quàm sua iam pariter re-  
paretur & Vrbi Majestas. Quæ omina, quanta felicitatis  
auguria, etiam præter Mutium Scævola percipit V-  
niuersus Doctiorum senatus, ubi prisca Saturni rediisse  
secula approbat Orbis. At quænam Sacra Rituum Con-  
gregatio? quænam Divorum Nomina! non quæ Romanæ  
Quinquatrua superstitioni, sacra olim Minervæ, quibus  
pueri, diebus quinque sibi indulgebant, votis testimonio: una  
dies media est, & fiunt sacra Minervæ, Nomina, quæ à  
cunctis quinque diebus habent, sanguine prima vacat, nec fas  
concurrere ferrò, causâ quod est illâ, nata Minerva die,  
altera, tresque superstrata celebrantur arenâ ensibus exortis,  
bellicâ læta Dea est. Non Lagensforia ab Augusto, post de-  
victum Antonium, partamque instituta victoriam. Non De-  
cennalia, innumeraque quibus Numma Pompilius, Deos, u-  
nusque privatos solo devotus errore adorabat, verum, quo-  
niam auspicijs iterum sese regalibus annus, induit & no-  
tâ fruitur iactantior Aulâ, Sacras veriori Numini Aquil-  
las è Gnesnensi virtutum Nido, Cælum altiùs involantes,  
clientali prosequar dictione.*

*Quanquam plurimos, planèque innumeros, ad gloriæ im-  
mortalitatem sæcunda stimulos in Nobis excitet Natura  
Parens, quorum acti impulsu, per virtutis Ædes, Honoris  
transcendimus Penetralia; nullo tamen securiùs ventosisque  
ocys alis, ad nunquam moritura famæ gradimur sanctu-*

*arium*



arum, quàm literarum Eruditionumq; pondere graves,  
 necnon eruditioris Mineræ adiuti suffragijs. AA. Nimi-  
 rum agnatum sensibus quandoq; deliquium, peritior, si non  
 occultat, corrigit Dea procerto, animorum mitigat ferociã,  
 rationem indit mentibus, communeq; in eas cum Astris exer-  
 cendo regimen, iræq; extinguit incendium, velocissimas ma-  
 leconsultorum affectuum temperat & moderatur habenas,  
 nec non mortales litera vivificans, quæ fama celebrata per  
 Orbem, cognoscit, quæ sibi quemq; iubet. Cælorum  
 Genijs, superisq; reddit & generat simillimos: qui enim  
 mente vivit immortalis Dei agit vitam: Musa vetat mo-  
 ris & ingenio stat sine morte decus, ut vates imperat  
 non immeritò: adde quòd ingenuas didicisse fideliter Ar-  
 tes, emollit mores, nec sinit esse feros. Rara hæc animorum,  
 quibus obtingit Beatitudo, illi, Divinæ Indulgentiæ mu-  
 nus, rem superis possident gratissimam, ut cœu castissimæ  
 æterni Numinis victimæ, Immaculatiq; Agni holocausta,  
 sanctioribus admoti Aris, per affinem quandam coniuncti  
 viciniam, vicariã in terris functi potestate, non quod vis  
 humana, sed quod Intelligentiarum tantum valet industria,  
 præstent sine intermissione. Quis è Regni Proceribus, Patrij  
 solij dulcedinem, infracti roboris non contendit ditare pre-  
 tio, meritorum implere thesauris, dexteritate Regni ampli-  
 are fines, legum diligentius custodire sancita, tranquillam  
 animorum sustentare unionem, sed hæc vulgaris beneficij sūt  
 præmia: nullum munus Reipublicæ afferre maius meli-  
 usq; Principes possunt, (a) quàm si docere ac erudire cu-  
 rent Iuventutem, his præsertim temporibus, quibus ita  
 prolapsa est, ut omnium opibus refrænanda sit atq; cõ-  
 ercenda. Multò nimirum felicius est, benè institui, quàm  
 nasci felicissimè, communeq; fermè omnibus est naturæ do-  
 num, cùm commune sit cunctis nasci: Artis verò specialius,  
 & reliquis eminentius. Quòd perennaturæ gloriæ sacrariū,  
 qui æquiori caperent Possessorio, quàm æternum devotæ li-



teris Animæ, quàm vos maxima sublunarium Lumina, ipso etiam Meridie, in Vniuersalis Ecclesie Candelabro clariùs prælucentes, diuinioris planè Tribunalitij, Primates Iudices Areopagi Illustrissimi, Perillustres & Reverendissimi Domini, Archi huius Præsulei Capituli, Domini Prælati Canonici, à Vobis, Vestroq; virtutum Nido, quæcunq; dispersa per omnes, in huius Regni amplitudine possident beatiores, Nil liberaliùs laticibus profluxerunt, Honorum sublimia Priuilegiorum sanctimonia, Dignitatum Altitudines, & quidquid demùm devotissima Vniuersi Cleri ratio Divorum cordi habet acceptabiliùs, quidquid exteris Gentibus nunc prodigiosius, maioremq; erga intamintam Sarmatici senatûs Purpuram, aureæ libertatis genium movet invidiam, à Vobis vestrisq; accepit Authoribus; ut momento licet quolibet grata Nostorum omnium, Antecessorum, circumcirca intuentium villarum, Urbium, Ciuitatum, Oppidorum, memoria, vetustissimi, condignis nunquam satis celebrandi laudibus. Nidi huius Vestri, Beneficia, miros Liliorum Vestrorum, in omnem terræ sparsos circumferentiam, odores, Rosarum fragrantiam, nequeat recolere Quodcunq; aureo Sceptro decus, quicunq; in Serenissimi solis vertice, pulchriùs radianti, Potentissimorum Polonix Regum, Coronæ adest splendor, è Vestri sinûs primum illuxit sereno. Sileo Præsuleum Vauelli vultum, totam Nido Vestro doctrinæ præstantiam, pietatis zelum, quò in Divo suo Martyre Stanislao, gaudet accepto, debere, e quo prima suæ sanctitatis fundamenta scientiarum extulit Rudimenta.

Quod si vana Romanorum superstitio, Herculem, obdiscripta septicipitis hydræ capita, aliosq; ob præstitum aliquod, aut pietatis, aut fortitudinis, aut rarioris & ingeniosioris inuenti spectaculum, è suis barathris in Divorum Numerum ambitiosè magis quàm religiose extulit; quantomagis, supremo Tonanti Ministræ Alites, Heròica Sarmat



*tix pubes, quæ magnos servatur in usus, sacrationibus Numinis consecratae Aris, imò Divorum iam inhabitantes Atrium, Actorum olim si non superantes, adæquantes certè præstantiam, ob animi excellentiam, mentis sublimitatem, naturalium gratiarum abundantiam, literarum culturam, diviniores Platones, possunt consecrari. Parùm nimirum distamus ab illis, etiam Polonia Nostra, extra Latium, Tulliorum nata cunas, ex quibus ad Senatorios generosior spiritus adolescat murices, inter consulares senescat fasces: scilicet post Latium supremaq; funera Tulli, dignius haud meminit se suada locatam ore Polono; ut meritò in meditullio Sarmatiae, Exterorum quoq; Iudicio, altera inveniat Roma, unde è summo prius Capite, continuata demùm in membra, fluit sanctitas, omnisq; boni communicatio.*

*At cur literarum dignitas, tantis pensanda encomijs? frustra Poloni cingimus oppida muris, si non arma capeßemus Alexandri, atroces bellorum minas, oratoriâ invanum elusuri Apostrophe, ignitos hostium ardores, Tulliano minimè extincturi flumine, Rhetorico licet ex abrupto ictus, etiam non repulsuri impetu: Arcium potiùs propugnacula hebetatumq; continui conflictus rubigine, tutius dixerò, deauratum hostilis sanguinis purpura, Gradivi ferrum, detrusaq; tormentis, altissimarum quondam Turrium cacumina, è suis eruere fas est ruderibus Artium Liberalium reintegrare acumina, non extruere Gymnasia. Magis credimus in duras Rebellium ceruices, ensium detonare fulgur, Periclis fulmine, Mucronisque strepitus, Quintilianis prævalere declamationibus, gladio armisq; Patriam, in immensam gloriae crevisse amplitudinem.*

*Parcite paulisper ferro Martiales animæ, tenella manus, inepta vaginae, cognata sibi nomina, Castorem & Pollucem, Artem Martem coluerit incruentum, inter doctas Athenarum umbras, illustres quoq; victoriarum*



splendores, triumphales ignes rogosq, accendentem. Nimirum etiam Palladis officina Martem vidit, ferrea arena Gradiui nitrati pulveris æstuans ignibus. Non solus Bellonæ Genius, Loricati pectoris faber est; nec Minervæ defunt, à quibus incalescat, ardores, quæ ubi hastatam gesserit dexteram, virilis litigij depromit tela, quibus palmæ decernantur victoriæ, parentur triumphi, mox furios commotura calores, per docta certantis ingenij studia, non ignavos efformatura Olympionices, Demosthenem productura contra Philippum, qui stat adhuc unus, castra sibi faciens, fortunamq, pulchro, magnanimus provocans duello, quo iugum excutiat Macedonicum. Et sanè nemo securius seram posteritatis enavigat memoriam, illo, qui sine cruoris diluvio, sine sanguine sibi peperit Laurum, tutioriç, itinere in triumphali Palladis Hastiludio, Duce sapientiâ, ita torserit telum, non per distractos ensium furores, dubiamq, fortunæ, & ancipitem belli tentando aleam, ut fata posuerit, trophæaq, erexerit, plus famæ, quàm sanguinis hauriendo. Nimirum barbarorum speciosa seges est, ubi sterilis cruentæ ætatis gleba, effusum humana cervice, bibit sanguinem, ubi decolor terra rubet cruore, semiexesis cadaveribus campi fætent, mortali ossium compage, tristes pallent agri, flumina tument, titubantq, ingyrum, stagnanti ebria tabe, nulliusq, naufraga magis fluctuat gloria, quàm cruento innatantis Oceano. Nonne per sapientiam Reges regnant, & Iusti jura decernunt, vatis testimonio: Quis regit ipse suam nisi per tua pondera mentem, & Te dante capit, Iudex, quàm non habet iram, flet si flere iubes, gaudet gaudere coactus. Nonne tam scientiarum Regina, quàm ancillæ etiam potentissimus cogitur famulari Mavors, & ni literarum fretus arbitrio, vel eo capite periclitaturus, quod dulci infessu sapientia non impleret: tranquilla fandi copia, vindices exarmat iras, cedit a-



*trox; pia Bellona suada, Tulliumq; Mars positis vene-  
ratur armis, illa regit dictis animos, & pectora mulcet.  
Nè solus Bellonæ chalybs Vrbes & Regna demetat, ad  
colligendas victoriæ adorea, pro Mucrone valet ratio,  
pro Lorica certat consilium, & ut Tulliano Hypocrenisq;  
fontibus irrigaretur Laurus emarcesceret. Profectò illis  
runderum cumulis altiùs Cyneæ extollitur facundia, qui-  
bus inter aggestos cacent cæmentorum acervos, Epyropi-  
co ad Pænitentiam incinere redacta ferro, tot Urbium,  
Provinciarum rudera, quasi in unicum relicta monumen-  
tum, terræ allisa, victoris lambentia plantas, veniam im-  
ploratura, an quòd magnis non assurrexerint victoribus,  
an quòd aliquando steterint, quæ cecidisse debuerant, nè  
rúerent casu venerationis interprete: nimirum sunt litu-  
os inter trabeatæ classica vocis, cum Ducis ore novos  
dat suada beatior ignes, Martia lingua animis, non  
viles ingerit ausûs, igne calent animi, quos hausta per  
auras, nobilis ira ciet Dominæq; potentia linguæ..*

*Tanta literarum Eminentia, ut omnium encomia,  
venustâ sui oris pendeant faciundia, ipsæq; sibi tantum sint  
pulcherrimâ merces, nullum pro se agnituræ Plinium. As-  
surgite pro more Vestro, nivea, Græcorum capita, Philo-  
sophis prætereuntibus, confluat Vrbs ad audiendam Calli-  
strati dictionem, infra sapientiæ, hæc sunt dignitatem,  
Dijs nimirum, tantum & Præceptoribus nunquam par  
redditur gratitudo, Quorum, quemadmodum ipsi Nos  
memores esse volunt; ita nemo nostrum est liberaliter edu-  
catus, cui non Educatores, cui non Magistri atq; Docto-  
res, cui non locus ille mutus, ubi ipse altus aut doctus est,  
cum grata recordatione in mente versetur. Honore bonæ  
Artes nutriuntur; atq; hoc specimen est florentis Rei-  
publicæ, dum Disciplinarum Professoribus condigna pē-  
duntur præmia: ut enim fruges non tam soli ingenio, quàm  
Cæli beneficio & temperie latiùs proveniunt; ita quoq;*



bonæ Artes, eximiaq; ingenia, Principum ac Magistratum benignitate excitantur; Porro nullum gloriosius seræ posteritatis imbecillitati, Ægyptij poterant reliquisse Colossus, quàm literarum monumenta, ære perenniora, quæ non imber edax, aut Aquilo potens possit diruere. Potentissima Romani Senatûs Maiestas, nullo clarior virtutum decore, in mundi effloruit Amphitheatro, quâ elegantissimo Iuventutis flore, cui in sublimius surrecturo incrementum, disitis è Regionum oris, insigniores eruditione adsciverat Magistros; ac si Terrarum finibus, prudentissimi aliter non potuissent intulisse regiminis exercitium; nisi aut Philosophi regnassent, aut Reges Imperatoresq; fuissent philosophati. Magnus vel idèd tantum Univerſi Triumphator Macedo, quod Homeri Iliadem, Peripateticorumq; Principem, Regnorum præposuerit pretio, eruditionis talenta, cumula verit talentis, non ignarus: nihil in mundo fædius aut turpius esse, quàm nulla ullius Viri sapientis stipari societate.

Atq; jam Vestræ id Magnitudinis opus, dexteræ, Eximiorumq; molimen Caput, quod locus iste Musis quondam habitabilis sacratioribus, non uniq; Phæbo perbelle cultus, priscum restituit gloria morem, languentes sinè lauru Deæ, ad vitam paritèr, Laureatumq; revocantur honorem. Scilicet lætatur terra reverso Numine, dùm Latix redeunt ad signa secures, ut desinat quisq; mæsta fronte queri, Nymphæq; choris redduntur quando sorores. Meam sanè fugit notitiam simul memoriam, quoniam malignitatis fato, tot illustrium Coloniarum Provinciæ, cessere oblivioni utinam reuocabili, quibus Maioris Poloniae sinus, multis insignitus in Urbibus, dulcissimo solidissimæ Eruditionis ubere, Patriam lætavit Iuventutem, nè remotiores loco, plerisq; inaccessibili sumptum intervallo in Civitatibus graviora, multisq; haud perferenda facerent, si non perderent impendia, multis ibi ad

bravium



bravium currentibus, paucis tamen optatam ibi successit  
contingere metam. Ut enim delectus obletatur paucitate,  
ita multitudo pariter confusione, ubi etiam, Magistralis  
sapius evangelizat ratio: qui potest capere capiat, his in-  
enigmatè, illis in parabola, quomodo præstat nosse myste-  
ria. Vos Illustrissima Perangusti huius Cætus Corona,  
Vos ArchiCathedrali Coloniae redditis faciem, quâ visâ,  
augetur spes Polonis, & certius omnia surgunt, vi-  
etrici concepta polo, cum pulcher Apollo, lustrat  
Hyperboreas, Delphis cessantibus Aras nil tum Ca-  
staliæ rivis communibus undæ, dissimilis vili, nec di-  
screpat Arbore Laurus. Ruga quidem arat primævum  
Scholæ vultum, sub hac tamen gleba, veræ Eruditionis  
minimè sterilest fructus, Deo auspice, Reginas quoq; Flo-  
rum productura: Nimirum fortunatissimis Vestris sub  
auspicijs, Ecce Palatino crevit reverentia monti, tu-  
multuosum brumæ pertransiit tonitru, insanusq; hyemis  
mugitus, imber abiit ad frigidumq; longius recessit Bôo-  
tem, cunctaq; Vestro dissipata arbitrio, nè iam umbrarum  
minimè metuamus viciniam, Illustrissimorum in Vobis Nominum  
Luminumq; discussam concursu, necnon deploranda cladis  
errorisq; confinia, ubi Eruditissima tantorum, Numinum pe-  
tora, murum Abeneum, vice Præsidij Musis portendunt  
Gnesnensibus. Scilicet Phæbus adest, & frenis Grypha  
iugalem Riphæo tripodas repetens detorsit ab axe,  
tunc sylvæ, tunc antra loqui, tunc vivere fontes, tunc  
sacer horror aquis, adituq; effunditur Echo, clariores  
spirant Præfagia rupes, atq; suas ad signa iubet revire-  
scere lauros. Optimè Metropolitana abhinc Coloniae au-  
diet Spartha, quam aureum Purpurati Arietis vellus, in  
Eminentissimo Regni Primæte Radzieiovio, inconcussa  
Ecclesiæ Columna Cardinali meritissimo fulgidissimq;  
Perangusti ArchiCapituli protegit vertice Anicum soli,  
in Cælesti Zodiaco Arietis signum, Amicum in terris Mi-  
sarum



sarum Præfidi Phæbo, novo nimirum Principalis. Patro-  
nij authoramento, sanctior hic Iason est, Gentilitij sui Par-  
titor velleris, sexcubantem in Mille Iurgia & damna  
obruet Argum, nè ampliùs pervigil Draco novas Cælo  
huic audeat surripere stellulas, quas patrocinantis ampli-  
tudine luminis, purpurata firmabit Maiestas. Altissimo  
hic tanti Nominis Dignitates venerabor silentio: cum  
omnis Nobilitas, omnis Tua, Eminentissime Prin-  
cæps sacra frequentet Tibridis & Latij soboles, conve-  
nit in unum quidquid in Orbe fuit Procerum, quibus  
Author honoris numerofo consule consul cingeris.  
Illustri Te Prole Tagus, Te Gallia doctis Civibus, &  
toto stipavit Roma Senatu. Addet expetitur literis  
literatisq; munimen Liliatus Vester candor, prima hac in  
herba, pulchriorem appromissurus florem, singularisq; spem-  
gratiæ, nec dubia in spe fructum maturiorem, Qui Imma-  
culatum Agnum sequimini quocunq; ierit. Ades immor-  
talis huius circuli, lux prima gemmarumq; gemma, pul-  
cherrimo viridissimi Nominis odore, inæstimabilem nun-  
quam amittens valorem, omnibus fatorum insidijs, assidu-  
isq; motibus, maiori animo constantior, selectissimarum  
virtutum congerie altiùs, citra insanum cunctorum tu-  
morem eminens, faventiora, continuatò licet temporis di-  
uturnò fortunæ calcans suffragia Illustrissime Constan-  
tine Zielinski Almæ Metropolitanæ Ecclesiæ Gne-  
fnensis Suffraganee, ad elevatiora quæq; Officiorum  
publicorum munia, Generalis Officialis Emeritissime. A-  
des inquam ordinario Dignitatis prior titulo, an potiùs  
Alma Studiorum nostrorum Vniversitas, magnis momen-  
tis hucusq; præcustodita diligentius, quàm Vestalium, as-  
siduis nocturnis & vigilijs, flamma hæc clarior Clean-  
this Lucerna, eruditioris ævi lampas, Lynceæ Tux adest  
pupillæ, Gregorium Palatinum Plocensem, Capitane-  
um



um Zakrocimen: Valentinum Castellanum Plocen:  
Joannem Dapiferum, Viros cunctis encomiorum titulis  
maiores, (dum Potentissimi simul ac Invidissimi VLA-  
DISLAI Quarti Poloniarum Regis, immensæ Maiestas-  
tis fulgorem, noctis Præses Cynthia, sinè noctis tamen ob-  
scuræ dominio, Ingeniorum Illuminatrix in lectissimam  
adoptari meruit filiam) seriæ memoriæ, si quid fluctu-  
antis in mortalitate mundi, Letheum absorpsit præcipitiū,  
Tibi Illos, seq̃, in Illis, sarmatiæ præsentatura, ut à coæ-  
ua suæ melioris vitæ, Domo, parem benevolentia liceat  
sperare constantiam. Relucet nimirum in Te uno tantorū  
Nominum splendor, qui Tribunalitiam Lublinensis Areo-  
pági Aulam, certiorē Delphico Oraculo Præses, reddis  
Cortinam, unde perfecta Iudiciū maturitas, consiliorum  
salubriorum gravitas. Sententiarum pondus & auctora-  
mentum: Indigentium Patrocinium, bonæ causæ in inte-  
grum restitutio, ipsa nonnisi sinè manibus & respectu, De-  
arum præstantior prorumpit justitia.

Progredieris ad Auroræ purpuram. claris lucens Ingeni-  
orum Smaragdis Sol ceu perspicacissimus mundi Ocellus,  
in quem omnes facunda intenti ora teneant, auream Mu-  
sis quoq̃ concessure horam Illustrissime Perillustis &  
Reverendissime D. FRANCISCE PRAZMOWSKI,  
Almæ Ecclesiæ Gnesnen: Præposite Dignissime. Accedis,  
diei diluculo. Meridies, quem ad communem orbis lancē  
satis diū librata meritorū auge, insigniumq̃ virtutum Tu-  
arum sereno effecisti, meritò Luceoriensis Ecclesiæ Præsul  
exoriture, ad cuius capessendā Insulā, eruditissimā Scienti-  
arum senectā, pressum Caput, inscripta Tibi Nomina Re-  
gis inclinant, ut ubi in luce Phebea, mutuata minuitur  
lux Tua semper in Luceoriensi micet, ut inter Stellas lu-  
na minores. Nec vanum est augurium à tot nimirum  
seculis optinè expoliti Mucronis fulgor, necnon Gentili-  
tiarum Solearum Trias, firmiorem & cælestium quasi  
Plans



Planetarum obtendit Aram, à quo cœu in cælo ære fuso  
non ut sub modio Lucerna, sed in Aprico, in continuum  
extendatur. Prodigium erat utiq; unanimi Orbis Iudi-  
cio, Regni Nostri pro tunc Primas NICOLAVS  
PRAZMOWSKI Archiepiscopus Gnesnē. Novus &  
felicior, & rarior, quia aut nunquam, vocali cunctorū  
consensu, alterum sibi parem habiturus Polonæ Suadæ  
Pericles, Qui ubi semel iucunda, & nemini, nisi Pa-  
triæ hosti pertimescenda, verborum fulmina misit, sta-  
tim omnium sensus in sui ire cōegit sententiam. Perbellè su-  
perum favor, Generalis huius Capituli constituit Te Præ-  
sidem, cœu præsidium dulce decus Colunēq; Nostrum, ut  
quos vatum figmento, Pegasi soleis audivimus excussos, à  
Gentilitijs Solēis praximum Tuæq; vicinum habitatio-  
ni desertum, veriores experiatur fontes, qui altissimo  
labentes sono, in totam effusi Gnesnensem Archidixcesim  
in scientificum iterum sui Crácij possint recurrere Oceanū.  
Accrescis his luminibus Gratiā maior, Divini ut potè  
doni benevolentia, universi concessa usibus, Perillustis &  
Reuerendissime Domine Ioannes Pokrzywnicki De-  
cane Gnesnē: Emeritissime, Longā experientia, nec  
non multo parta sudore, Tua nullas recipit Prudentia  
metas, eā pollens animi magnitudine, eā generosissimi  
Spiritus vitā, quæ nonnisi suevit contingere summis.  
Si modesti vultus lumen, sinè lacrymosa intueri licet pal-  
pebra, est facies Tibi digna Iove & Imperio; si dulcem  
oris venustatem, Cyneam mirabimur Sarmaticum: nimi-  
rū illa es progenitus stirpe, quæ in Altissimum nonnisi  
honoris novit excrescere Clivum, illā Domo, quæ pro  
communi Bono ab antiquo didicit, non ære nec parce-  
re ferro; ijs Insignibus, quæ suam fortitudinem ad Stupo-  
rem usq; exercuerunt hactenū, tantū est robur ab uno.  
Quare longum mihi esset numerare de Consule Consules,  
Tacitus eos potiū venerabor profundius, nè Plinius in

tanto



tantorum Nominum panegyrim videar peccasse. Tu mihi amussis & totius Cleri Norma es, Illustrissimumq; Ecclesie sedus Perillustris & Reverendissime Domine ANDREA LIPSKI, gloriosissimo quondam & sibi maxime congruo Titulo sanctae Ecclesiae Gnesnensis Archidiacone, Eminent in Te, illi Majorum Tuorum splendores, quibus à Celsissima olim Ducatus Severiae Principe, vavelli verticis Apice, Cracoviensis Infula; sibi Coronam, & decus omne merebatur: rarissima illae animi & mentis dotes, quibus in Collegiata Chocimensi, caelum debetur: ille zelus, quo pro Aris, pro Deo, pro Populo, Archiregimini concessio novus flagraret Elias: Majestuosus ille frontis honore vultus, tot coronarum capax, quot nobilissimos Aquilae enutrit pullos, quot liberalius educat Palastritas, alit Alumnos, pro nominis tanti immortalitate Exoratores. Gentilitijs Tuis Rastris, certe collecta tenes, quae dispersa per omnes, vicina haec & amica Rostris, protensam propensamq; in Palladem Nostram Lipskianae quoq; Domus pollicentur Magnificentiam. Prosperrimo igitur procede passu, ad trita illa honorum fastigia, ad quae & Pater Aeneas, & Avunculus excitat Hector. At quo levi rapior pennae? grandia Illustrissimorum Perillustrium & Reverendissimorum Archicapituli Gnesnensis Praelatorum, Canonorum, Nomina, Dignitates, tantae apparent, ut in enarrandis describendisq; secula fatiscant. Brevis compendiosiorq; via ad illorum Nominum Augustal eundum est, quorum merita & laudes Abiissum videntur impleuisse. Tu mihi ergo compendium eris Perillustris & Reverendissime Domine Andrea Antoni Podolski Scholastice Gnesnensis Eruditissime. Quidquid Orbis habuit doctrinae, morum comitatis, Tuae Gentilitiae Fasciae creditur innoxum, ut illo felicius diutiusve ad omne pacatissimi animi utaris gustum, qui se Tuisq; Maioribus in Insigni ve-



stro illigavit an obligavit, Gratissimus gloriatur Palati-  
natus Calissiensis quod Podolscium habuerit Palatinum.  
Suarissimus Tuæ Gloriæ concentus, in Seculorum auribus  
nunquam cessabit, in quibus semper honos Nomenq, Tuū  
Laudesq, manebunt Perillustris & Reverendissime Do-  
mine Vladislæ Przerebski Cantor Dignissime, in-  
nata Nobilissimæ Domui vestræ fortitudo, non per insi-  
diosam, fraudibusq, plēnām, cum Lescone, sed aperto certa-  
minis Martē ad Coronam novit excurrere, ultra quam  
pedem etiam extulisti, omni superiores, omnemq, transcen-  
dentes. Rosas ergo & Lilia calcant coronatæ plantæ, quæ  
proiecto infra se coronamēto, ut de virtute, invirtutē ita à Co-  
rona ad Coronā, honorum stadia norunt decurrere. Tanto pul-  
chrius promicat celata virtus, quantò Tuum profundius  
ab orbis facie abscondis pietatis ardorem, Perillustris &  
Reverendissime Domine Franciscæ Zoráwski Cust s  
vigilantissime. Profectò Tuæ si centum à Domino custo-  
diæ sunt concredita Talenta, Tu pulcherrimum virtutis  
allicium, modestissimæ honestatis exempla assidua dili-  
gentissimāq, virtutum Cura, centum superlucraris. Am-  
plissimos gloriæ Tux, quis rimaretur cancellos, Perillu-  
stris & Reverendissime Domine Andrea Łacki Cancel-  
larie Dignissime & Argiferit, Tuus lumina splendor,  
quo in Eminentissimi Principis Aula, tanquam illustris-  
simum resplendes Iubar, eximiarum virtutum radios,  
non nisi Herculeū illud plusvltra ut iam omnem ibi habita-  
re Pietatem, alienæ invidā laudis discat impolita indo-  
les; nimirum Conventum Cælo præbuit Aula parem. Tam  
latè spargis eximiarum virtutum radios, ut eos, non nisi  
Herculeum illud, Honorum, plusvltra, possit terminare,  
ab álto sanguine generosi animi, hauriens vigorem, viros  
iam cui similes, quæ perferet ætas. Hanc primum ab E-  
minentioris Capitis Vestri sententia, capimus Veritatem,  
tum docile Cor Iudicis, in manu esse Altissimi, dūm Vos



*sacratæ, summo Tonanti, magnarum alarum Aquila, ir-  
retorto Iustitiæ solem, in pupillam mentemq; derivatis su-  
percilio; Vos interris Dei Iudices, Illustrissimi Perillu-  
stres & Reverendissimi Domini, Prælati, Præsides, su-  
premi Strictissimiq; Tribunalis rigorem, inter lepram &  
lepram, rectum discernentes & obliquum, cœu Divina quæ-  
dam funditis effata & decernitis. Attingit propius hanc  
gloriæ Altitudinem, celeberrimum Bykowskiorum Nomen,  
in gravissimò, non tam annorum utiq; quàm accumula-  
torum meritorum senio Patrũ Patre, Canonico Gnesnensi,  
Scholastico Cracoviensi. Quæ ex ethymo notatur Nomi-  
nis, quasi Episcopali quadam animi lenitate, temperas mo-  
destius feritatem, summaq; prudentiâ regis fræna licentiæ,  
tantò gloriosius, Perillustris & Reverendissime Domi-  
ne, quantò ad Cæsaream proximius accedit Maiestatem,  
sibiipsi imperare. Ad pulcherrimam hanc accelerat Cæsa-  
riem, Regium Tuum Nomen, regalia quoq; veriori No-  
mini asserens dona Perillustris & Rndissime D. Gaspar  
Chudzynski S. Th. & V. I. Doct. Iudex Surrogate, Aureâ  
lucis Tuæ claritatem, quam in Eminentissima Laureisq;  
cincta immarcescibilibus fronte, altissimæ sapientiæ subli-  
mitas, remotissima à communium sensibus, Theologici Iuri-  
diciq; profundi, abyssus, perspicacissimis Univerſi accedunt  
oculis; Nemo est, qui non videat; nisi ille, quem Tuus ful-  
gor, aut lippire fecit, aut cæcutire. Pulchrius utiq; ruti-  
lis coruscus carbunculis pretium addunt annosæ omni ve-  
nerationis cultu digniores Cani senectæ, argento, Patriciæ  
Adamantum Triadi valorem. In eam proventicris Orbis  
Niveus candor Tuus excrevit æstimationem, quæ Tuum  
gemmeum Caput, Adamantemq; etiam fractum, adhuc ut  
gemma publicè acceptat inestimabilem, Tu Cracij de-  
coris Pater Personarum Academicarum Amator, Promo-  
tor Actor liberalissimus, pro Ecclesiæ decore, Cleri honore  
zelator, in promovenda Divino cultu, supportandis labo-  
ribus*



*rilus Atlas indeffessus. perge ergò incolumis viuax ad  
datq; Tibi de meis Iuppiter annis. Succedis Atlanti  
Achilles, gemmeo Patri, Liliatus candor, de Heroï  
sanguine Nobilissima portio, Perillustris & Reverendis-  
sime Domine Ioannes Rydzinski, addens ut aurum  
quondam scarbecciana magnanimitas auro, sic Tu virtu-  
tem virtuti, honoriq; honorem, exornat reliquos ut lilia  
flores, sic possessa à Magnis Antecessoribus intaminati  
Nominis hæreditas exornat meritis animi dotalitia. Her-  
cules Vestros, Ioannem in prælio, Petrum, ad Potentissimi  
quondam Regis Stephani Battorei, Aulam, Regiæq; Cu-  
ria Pocillatorem, Tauricana Hydra, affines Barbaræ o-  
ræ magnos pertimescant Vieyscios, tantarum dexterita-  
tum viua es icon, Perillustris & Reverendissime Domi-  
ne Stanislæ Vieylki, illustre Te esse sidus facile credide-  
ro, qui Eminentissimo cum cruce prodromus Phæbo, tan-  
quam ingenti virtutum præis grandis aceruo, binam in  
Tuo pectore designante futuram.*

*Exactissimum ad publica gloriosissimè peragenda mu-  
nia, augustioris mentis Caput, ceu Consiliorum quoddam  
Capitolium, Clientali & animo veneror & calamo, Per-  
illustris & Reverendissime Domine Luca Czerminski,  
præstantissima præclaræ indolis specimina, ibi Nostri quõ-  
dam decus Archi Athenæi, approbasti unde maximi Prin-  
cipes consueverunt prodire & Antistites. Suxisti ex Al-  
mæ Matris ubere, scientifici lactis dulcedinem, facundia  
favum, gustasti eruditissimo, quoq; subtilioris ingenij sinè  
dente sales, quibus Vniuersæ terræ ambitus, Imperato-  
res Reges cum Principibus delectantur. Prospera Sarmati-  
cis sperantur tempora rebus, in Nomen ventura Tuum,  
præmissa futuris dant exempla fidem, quanta Tui Capi-  
tis oracula, quanta in rebus ritè expediendis dexteritas,  
Exotici solis Phænomena luculenter demonstrant. Felici-  
tatem Kretkowscianæ Domûs constantem auges raris  
animi*



*animi generosi dives talentis, Perillustri & Reverendissime Domine Felix Kretkowski. Tu per augusti Capituli Corculum, magnarum sedes virtutum Gentilitia Insignis Tui optime, contra fortunæ consolidata lubricū. Age fortunatissimo quoque in Honore ascende sublimē, quo Te Regalis Genius, & illustre advocat Naturæ genus, Ipse Te Charitum ternio, Maiorumque Tuorum commendat repetitus honor Perillustri & Reverendissime Domine Ioannes Potworowski, comptissima morum gravitate, amænâque vultus generositate, plurimorum cordis Regiam, clara possides destirpe propago. Pontificium Tuū Nomen Perillustri & Reverendissime Domine Francisce Papieski, Coronas nonnisi emerita fronti pellicetur. Familix Tux Excellentiam, Gentilicius Vester super æthera volans edocet Accipiter, intentum Divinæ contemplationi animum, qua Quadragesimali Feriâ Cælestis Præco iugiter vacasti. Quotquot noscimini Papiescij, tot Accipitris pes, ostendit ex ungue Leones. Konojádzcianū invicti animi robur, & Patricio licet metiri Leone, per saxa, per tela, per ignes, supra murum Honore scandente Augustal sic in via virtuti nulla via. Quid memorem Nicolaum Konojádzki, Germanum Tuum, quinquies ad Regni Tribunal fuisse honorificentissime Deputatum, cum Te tanti decoris colam ex asse hæredem, Perillustri & Reverendissime Domine Petre Konojádzki, celsitudinem animi Tui natæque ad sublimia mentis Maiestatem, norunt, cui serviant Leones. Avitus Nominis Tui splendor, venustaque oris facundia, ponderosi sermonis elegantia vigilantissima communis boni cura Tibi Perillustri & Reverendissime Domine Stanislæ Sierákowski, altiora præparat subsellia, quæ iuvat Tibi Nostras pridem cecinisse Camænas. Ergo i pede fausto, Tributarium magno Nomini Tuo præbende Honorem, hæc Tibi Tua vovet Academia. Diva Themis ingentes*



*Tui animi celebret dotes, quibus Te Natura beavit, Perillustris & Reuerendissime Domine Ioannes Kostynski, frui diutissime Doctorali Laurea, quæ Libitinæ fulmina rideat. Tera Tuæ sapientiæ scribat panegyres posteritas, mihi Teris Iustinianus. Quot Boglewscios audio, tot veneror Achilles, & Inquilinos nullibi magis, quàm in Nobilissima Tua Domo Perillustris & Reuerendissime Domine Nicolae Boglewski, Iouem & Palladem. Hinc unumquemq; Vestrum, aut Iouem aut Palladem esse aethumo, quorum Hastas geritis, verius quam Romulo quondam in Palmas & Læurum degeneraturas. Rapit quoq; in admirationem omnium mentes, placidissimus Tux sapientiæ dulcor, Perillustris & Reuerendissime Domine Nicolae Nieborowski, quo nectar Ambrosæi oris, omnium cordibus instillas suauissimum. Quod Madalinscios, tot à vomere Consules & per fasces Tui tot numerantur Avi Perillustris & Reuerendissime D. Paule Madaliniki, Insulæ adhuc intactæ Antistites, à quibus non vulgare acquisivere ornamentum. Nec Tua minor gloriæ messis virtutum floribus variegata; sequeris enim vestigia Patrum, quæ non nisi ad Episcopales Tiaras & monstrant in Astra uiam. Orłowskiarum Nomen in Principum Aulis, Ducum Regijs, imo toto clarescit in orbe. Maiora igitur sunt Tua merita, Perillustris & Reuerendissime Domine Matthæ Orłowski, quàm ut ea imbecillitas ingenij, & tenuis possit comprehendere calamus, Ne ergo Mari affudisse guttas, diei videar addidisse lucem, tantum meritorum senium, tantam rariorum uirtutum congeriem, profundissimo ueneror silentio. Nec uocalis in Illustrissimæ Wierzbouianæ Domus encomia. Soleam enim quis non videt, vicinam solio, Insulis clarissimam Episcopalibus, Reipublicæ basim, Regalis throni fulcrum, omnisq; boni omnis pietatis, sanctitatis fundamentum. Tibi Tu ipse Perillustris & Reuerendissime D,*

*Stephane*



12

Stephane Wierzbowski, Corona es & Stephanema. Iat-  
 etat in Te Perillustris & Reverendissime Domine Ca-  
 role Affaita, virtus & Laureata sapientia felicitatem,  
 quod apud Amorem Principum, & Aulae decus nacta sit  
 domicilium. Tu meae cardo rei, nullis sat celebrande lau-  
 dibus ades Perillustris & Reverendissime Domine  
 Francisce Krázkowski, eruditi pectoris floscule, pruden-  
 tioris ævi Hortensi, magno sententiarum pondere, perfe-  
 ctissimaq; maturitate summus oratorum Demosthenes; in  
 sublimiores, concurato quodam agmine conspirarunt sci-  
 entia, quarum plenitudo, ex votis inter Iudicia publicis,  
 in rebus maxima momenti concludendis elucescit. Emicat  
 clarius in Tuo Laureato Capite Theologici solis Diade-  
 ma, quo Te non immerito Regum Mater Vniuersitas  
 Cracoviensis insigniuit, quod ex suo in Te voto, pro singu-  
 lari in Matrem Almam affectu, multarum Coronarum  
 erit Antesignanum. Eluserit alios aureis volubilis Dea ro-  
 tis, Tuo iam illi iacta alea qua fortuna eluditur. Perillu-  
 stris & Reverendissime Domine Casimire Gurowski,  
 Nobilissima Tua extra omnem mater volentiae aleam est,  
 quæ nonnisi tutissime nocet ad summos sibi præludere ho-  
 nores quorum unus pro mille tenet Apicem Melchior Guro-  
 wski. Apparebat in Te Guroviani montis altitudo, Gu-  
 rowsciorum Heroum fortitudo Toga et Sago claros arte æquè ac  
 Marte. dum adhuc inter Laurigeros aluerunt Te castra  
 triumphos assuetis ergo triumphis, factorum triumphis in-  
 vidiam, montem Honorum amplissimorum ascendas vo-  
 tum est. Nobilissimæ Koludzcianæ Domus Caput, non-  
 nisi Insulas est implere Natum, cuius consiliorum salubri-  
 tate, longo tempore vixit Respublica, regebatur Eccle-  
 sia. Vestris utiq; splendent Altaria donis Perillustris &  
 Reverendissime Domine Alexander Koludski, No-  
 lo ego Illustrissimæ Domus, ceu primæ magnitudinis Stel-  
 larum attingere coniunctionem. Manifestum est, à Tui Ca-



pitis circulo, Orbis pendere facundiam, tantasq; virtu-  
tes, quantas, sola felix potest beare æternitas. Perenna-  
turæ gloriæ Tuæ fama digna monumentis, Perillustris  
& Reverendissime Domine Ioannes Kaszewski, Tu  
sicut omnium virtutum, ita & meorum meta es encomi-  
orum. Quid ergo pluribus immorer, Vos Illustrissimi  
Perillustres & Reuerendissimi Domini (Diva Ma-  
thæsis sensu ad Sanctissimum Protomartyris Vestri con-  
gregati corpus. Aquilæ estis duodecem amictæ stellis,  
verius Imperatore se vero, quia veriori Numini sacræ, in  
Cælum deportandæ. vivite felices, dulcem dierum anno-  
rumq; longitudinem, omni temporis continuam diuturno.

Exeat in populos cunctis illustrior annus  
Natus fonte suo, quem non aliena per arua  
Induat hospes honor, cuius curabula fovit  
Curia, quem primi tandem videte Quirites.  
Iam secura petit periclitum gloriæ Portum,  
Ingenij redeunt in prælia, sed labores  
Et vitæ pars nulla perit.  
Nunc quæ non deesset olimpo  
Deficeret si nostra cunctis, sed providus æther  
Noluit humano finis auferre labori.









11